

3. gr.

Kostnaður allur við aðalholræsakerfið greiðist úr hreppssjóði. Til að standast þann kostnað, ber hverjum húseiganda, sem á hús við götu, veg eða opið svæði, þar sem holræsi er lagt í, að greiða tengigjald um leið og hann tengir ræsi við aðalræsið, kr. 450.00, miðað við hús með einni íbúð. Hækkar gjald þetta um kr. 250.00 fyrir hverja íbúð í húsi umfram eina. Verksmiðjur, sölubúðir, baðhús, þvottahús, iðnaðar-fyrirtæki o. fl. þ. h. greiða í tengigjald kr. 450.00.

Auk tengigjalds greiði hver húseigandi í holræsagjald til hreppsins kr. 150.00 árlega af hverju húsi og enn fremur 5 af þúsundi af fasteignamati húsanna.

4. gr.

Hið árlega holræsagjald, sem og tengigjald, getur hreppsnefnd hækkað eða lækkað um allt að 50% án staðfestingar ráðuneytisins.

5. gr.

Húseigandi ber ábyrgð á greiðslu tengigjalds og holræsagjalds gagnvart hreppsnefnd. Kröfur, sem hreppsnefnd kann að öðlast samkv. 1. og 3. gr., má taka lögtaki á kostnað gjaldanda, og eru gjöld þessi tryggð með lögveði í húseigninni í næstu 2 ár eftir gjalddaga með forgangsveði fyrir hvers konar sammingsveði og aðfararveði.

Gjalddagi holræsagjalds er 1. júní ár hvert.

6. gr.

Brot gegn reglugerð þessari varða sektum allt að kr. 500.00, nema þyngri refsing liggja við að lögum.

Með mál út af reglugerð þessari skal farið sem almenn lögreglumál.

Reglugerð þessi, sem hreppsnefnd Miðneshrepps hefur samið og samþykkt, og gerð er samkv. lögum nr. 15 20. júní 1923, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 21. marz 1950.

F. h. r.

Jónas Guðmundsson.

Hallgrímur Dalberg.

AUGLÝSING

um ábyrgð ríkissjóðs á lifrarverði til bátaútvegsmanna.

Samkvæmt heimild í 1. gr. laga nr. 1/1950, hefur ríkisstjórnin ákveðið, að ábyrgjast bátaútveginum kr. 1.30 fyrir hvern lítra af lifur úr fiskaflanum frá 1. janúar til 20. marz 1950.

Öllum lifrarbræðslum er skylt að senda Fiskifélagi Íslands fyrir 25. þ. m., skýrslur um móttækið lifarmagn, og sé nákvæmlega tilgreint, hverjir lögðu inn lifrina, hve mikið hver, og úr hve miklu aflamagni sú lifur fékkst, miðað við slægðan fisk með haus. Jafnframt skal gefa skýrslu um, hversu mikið lýsi, og hvaða tegundir hafa fengizt úr lifrinni. Skýrslur þessar skal gefa að viðlögðum drengskap.

- 61 Aðeins þær lifrabræðslur geta orðið ábyrgðarinnar aðnjótandi, sem senda
20. marz framangreindar skýrslur fyrir tilgreindan tíma og hafa komið lýsi sínu til við-
skiptamanna sinna í Reykjavík í síðasta lagi fyrir 10. apríl n. k.

Sjávarútvegsmálaráðuneytið, 20. marz 1950.

F. h. r.

Gunnlaugur E. Briem.

- 62
22. marz

AUGLÝSING

um breyting á símtala- og símskeytagjöldum til útlanda og póstburðargjöldum til útlanda, annarra en Norðurlanda.

Vegna hækkunar á verðgildi gullfrankans, miðað við íslenska krónu, hækka símskeytagjöld til útlanda frá og með 23. marz 1950 og verða sem hér segir fyrir almenn skeyti:

Norðurlönd:

	Gjald fyrir orðið:
Danmörk	kr. 1.70
Færeyjar	— 1.00
Finnland	— 2.65
Noregur	— 2.00
Svíþjóð	— 2.00

Önnur helztu lönd Evrópu:

Belgía	kr. 2.50
England	— 1.95
Frakkland	— 2.60
Holland	— 2.60
Tékkóslóvakía	— 3.05
Ítalía	— 3.00
Pólland	— 3.15
Spánn	— 2.85
Sviss	— 2.85
Þýskaland	— 2.80

Norður-Ameríka:

1. gjaldsvæði	kr. 8.16
2. gjaldsvæði	— 9.30
3. gjaldsvæði	— 10.50
4. gjaldsvæði	— 11.40
5. gjaldsvæði	— 12.30
Argentína	— 16.70
Brazílía	— 15.20

Gjöld fyrir almenn skeyti til annarra landa, svo og gjöld fyrir aðrar tegundir skeyta til útlanda hækka í sama hlutfalli.